



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Vildana Bešlija

Zastupnik/ca u Skupštini Kantona Sarajevo

Broj:

Sarajevo, 25.03.2020.godine

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r sekretar Skupštine Kantona Sarajevo

Uputiti: Vlada Kantona Sarajevo

PREDMET: ZASTUPNIČKA INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), upućujem *zastupničku inicijativu prema Vladi Kantona Sarajevo i menadžemntu TVSA da postupi u skladu sa preporukama Regulatorne agencije za komunikacije u BiH od 17.03.2020. godine, te da u stanju vanredne situacije, odnosno stanju prirodne ili druge nesreće, koja je proglašena povodom pandemije korona virusa, informacije objavljuju u formatu pristupačnom osobama sa oštećenjem sluha, na način da se osigura tumačenje na znakovni jezik.*

O B R A Z L O Ž E N J E

Regulatorna agencija za komunikacije u BiH je 17.03.2020. godine javno pozvala sve televizijske stanice u BiH da u stanju vanredne situacije, odnosno stanju prirodne ili druge nesreće, koja je proglašena povodom pandemije korona virusa, informacije objavljuju u formatu pristupačnom osobama sa oštećenjem sluha, kojih je u Bosni i Hercegovini 70 000, na način da se osigura tumačenje na znakovni jezik.

S obzirom na posebnu ulogu koju televizijske stanice imaju u smislu odgovornog informisanja javnosti u vanrednim situacijama, odnosno u stanju prirodne ili druge nesreće, neupitna je važnost da informacije koje se emituju budu dostupne i ranjivim kategorijama stanovništva, koje su trenutno, više od ostalih, izložene dezinformacijama koje mogu dovesti do širenja straha, panike i uznemirenosti.

Takođe, Agencija obavještava da je direktan poziv uputila posebno Javnim RTV servisima, pozivajući se na poštivanje obaveza iz Zakona o radiotelevizijskom Sistemu Bosne i Hercegovine da "...bez odlaganja i naplate emituju obavještenja organa vlasti čije je objavljivanje hitno, kao što su obavještenja o opasnosti po život i zdravlje, ugrožavanju imovine, bezbjednosti i javnog reda i mira..." te ih pozvala da informativne emisije u udarnom terminu emituju u formatu pristupačnom osobama sa oštećenjem sluha, tako što će osigurati tumačenje na znakovni jezik na jednom od jezika u službenoj upotrebi u Bosni i Hercegovini.

* * *

Želim napomenuti da prema mojim informacijama jedan sat rada tumača znakovnog jezika iznosi 50,00 KM.

S obzirom da je Televizija Kantona Sarajevo regionalna javna televizija u službi javnog interesa građana Kantona Sarajevo, čiji je osnivač Skupština Kantona Sarajevo pozivam Vladu Kantona Sarajevo i menadžment TVSA na hitno postupanje prema preporuci RAK-a.

S poštovanjem,

Vildana Bešlija
Zastupnik/ca u Skupštini Kantona Sarajevo
Naša stranka